


則例便覽

之廿六

六



| | | | |
|---|---|---|-----|
| | | 九 | 漢書門 |
| | 八 | 二 | |
| 一 | 四 | 二 | |
| 二 | 架 | 函 | 類 |

| | | | |
|------|-----|------|----|
| 内閣文庫 | | | |
| 番號 | 漢 | 9252 | |
| 冊數 | 12 | (| 6) |
| 函號 | 296 | | 86 |

共十二



則例便覽卷二十一目錄

關市

關稅考核 一

盈餘考核 一


各關盈餘短少督撫嚴查具奏 二

關稅交代 二

關差回京逾限 三

遲誤稅冊考核 三

淺草文庫



則例便覽

戶

關市目錄

刊發徵收則例 三

關差橫徵督撫不叅 四

家人霸佔關津肆行非法 四

擅給印照 五

搜獲參珠 五

無票出口 六

偷創人參 七

收參官員議敘議處 七

稽查私逃兵役進口 八

攜帶軍器取具印票 八

砍販近邊應禁山木 八

失察廣收麥石晒麩燒鍋 九

閩省失察製造紅麩紅糟處分 九

委員拿獲別邑開坊晒麩議敘 九

隱匿稅船 十

清查牙行 十

捏稱牙行索詐 十

衿監胥役認充牙行 十一

地方官濫給牙帖私給牙帖議處 十一

衙門需用貨物照市價 十一

關口抽分木稅應繳銀兩定限 十二

繳發商票 十二

嚴禁把持 十二

承追客欠遲延處分 十三

開採鐵筋 十三 十四 十五

則例便覽卷二十一

關市

武林沈湘南摘錄

關稅考核

一徵收關稅官員欠不及半分降一級畱任欠半
 分至一分以上降一級調用欠^三分^二以上降^四分^三
 級調用欠五分以上革職缺額銀兩著落追賠
 溢額者概不准加級紀錄如有事故以離任之
 日為始作為分數考核至收過稅數不令親填

則例便覽

戶 關市

一

令衙役填寫或不給商人紅單者俱罰俸一年
如將部頒稅冊用伊印信添送或將商人親填
簿紅單不按季送部俱罰俸六個月

盈餘考核

改修

一各關徵收盈餘銀兩應視上三年比較如短少
二分以上罰俸二年三分以上降一級留任四五
分以上降二級調用

各關盈餘短少督撫嚴查具奏

一各關徵收盈餘銀兩短少如較上屆大相懸殊
該監督將該年情形據實奏報交該督撫委員
嚴查如有徵多報少情弊立即揭報叅處若果
儘收儘報即出結具詳由督撫確查具奏其督
撫管理各關亦互相委員查勘辦理倘不實力
稽查及扶同徇隱將出結之委員降三級調用
稽查之督撫降二級調用仍將短少銀兩著落
管關監督及該督撫委員等按數分賠

關稅交代

一管理稅務日期毋論兩任三任俱扣足一年爲滿其管關一年零數月者將一年盈餘奏報零月歸於下屆扣足一年彙奏此任徵多能抵補彼任短少者毋庸議倘所餘之數不能抵補者將短少之員議處如前任有徵多報少侵蝕等弊接任官濫行具結照徇隱例革職

關差回京逾限

一關差各官差滿回京逾限一月以內免議一月以外照赴任違限例處分

遲誤稅冊考核

一各關於一年任滿時即將銀兩冊檔解部一面繕本具題如題本已到而銀兩冊檔遲至二十日以後尙未到部者將管關之員照違例不按季送部例罰俸六個月暫停陞轉俟核議具題完日照常陞用

刊發徵收則例

一經管關稅官員將應上稅課之則例刊刻詳單各貨店俱給一紙其刊刻木榜務令豎立街市不得藏匿屋內或用他紙掩蓋以致高下其手附近關口之地方官將題定現行則例刊刻小本頒發散賣該督撫仍委員訪查如有吏役將木榜粘貼掩蓋額外苛索等弊經管官明知故縱者革職委員扶同徇隱降二級調用失於覺

詳查遽行出結者罰俸一年

徵員無力完繳銀兩俸廉內坐扣

一徵員有應追未完銀兩委無產業不能依限完繳將廉俸按年儘數坐扣如本係有力借名延宕將本人及承追之員一併叅處

借欠常平倉糧未完

一春借常平倉糧與借給籽種口糧俱按年察核完欠數目如未完在一百石以上將經徵之員

照雜項錢糧例議處

一 雍和宮生息地租銀兩拖欠處分

雍和宮生息地租銀兩直屬州縣如有拖欠照雜項

錢糧未完例議處

江浙二省徵解給丁濟運漕糧

一 江省有漕州縣每年應徵行月錢糧於十月內按六分之數完解道庫給丁濟運如解不足數

罰俸六個月再限三個月完解六分之數如仍不完罰俸一年浙江嘉湖二府催徵白糧項下車夫等款錢糧亦照此例

接徵接催復改分數

一 凡有分數錢糧接徵接催官員俱將已完分數扣除照現在未完分數處分

錢糧叅後全完銷案開復

一地丁漕項鹽課等項錢糧未完題叅到部後續

報全完如已經題覆奉

旨該省接准部文者該督撫將該員議處之案題請開復若未經題覆戶部即於本案奏銷內扣除免議若部議已經奉

旨尙未行文者戶部即據咨題請開復

遲延開復

一錢糧叅後全完該經管衙門一面給與批收一面速報該督撫題請開復如已經申呈勒指不

詳及遲延不報或不應開復申詳開復者俱罰俸一年巡撫罰俸六個月或已經開復重題開復及不列續完各官職名者俱罰俸六個月

錢糧全完開復

一拖欠在民錢糧降革官員未經離任之先能將拖欠錢糧全完者准其開復如該督撫將離任官員題請畱任其員缺雖擬有人未經奉

旨者將原官准其畱任如所補之人已經奉



旨原官令其赴部另補

輸納錢糧不照數給票

一錢糧令民自封投櫃照數填寫給與印票如有
 紳衿及上司衙役包攬等弊該管官不行查出
 罰俸一年至州縣官有完糧之民勒令不許填
 數及不給印票者革職拿問司道府明知不報
 革職詳報督撫不行題參降五級調用

混報侵糧人犯逃亡

一官員將侵欺錢糧及抗糧等項人犯捏報逃亡
 者俱降一級調用該管官罰俸一年如竝不起
 解侵欺抗糧人犯者亦照此例處分如不行速
 解遲誤者罰俸一年該管官罰俸六個月

目兵書吏抗糧

一各標目兵抗糧不完移會本管官弁追完移交
 如不實力催完卽照州縣催徵錢糧未完分數
 例議處至上司書吏抗糧州縣一面詳報一面

嚴拿革役追比如本管上司庇護并州縣瞻徇容隱均照徇庇例議處


私加私派

一州縣等官私加火耗及私派加徵者革職拿問司道府隱匿不報亦革職拿問若申報督撫不行題叅者將督撫革職如各上司不知情者照不揭報劣員例議處如被旁人首告經司道府等官審出者其審出之司道府等官於未經首

告之前不行查出之處免其議處

誑稱民欠

一州縣官將已徵錢糧作為民欠或那用誑稱民欠者革職拿問司道府朦隱不報革職如申報督撫不行題叅者督撫降五級調用失於覺察者照預先不行查出例司道府降一級調用督撫罰俸一年



則例便覽卷二十四目錄

解支

違例支給

給價不速

扣尅兵餉

兵餉協餉定限

墊辦軍需公務

藩司預行給借養廉

戶部

戶

解支目錄

一

官員支領俸銀四

滇省撥米需索四

黔省解收兵米四

不扣朋銀五

濫委解員五

委解各項藉病規避五

委員辦運鹽斤銅鉛沿途督撫稽查六

辦運糧石失水報明地方官查驗六

違例起解七

田房稅契銀兩起解遲延七

起解潮銀七

解送各項錢糧需索八

失對檔案支給糧地八

空批報解不依限銷號八

給價短少預徵錢糧九

採買米豆草束九 十 十一

採買顏料 十二

採辦物料展限之後仍不依限完解 十三

嚴禁造送冊檔表箋陋規 十三

囚糧囚衣等項冒銷 十四

不准解員挈眷

則例便覽卷二十四

解支

武林沈絳南摘錄

違例支給

一官員正項錢糧未經解送先給官役俸工或不

按季給發全給重支或違例給發錢多銀少者

俱降一級調用 轉詳官督撫 罰俸 一年六個月

給價不速

一官員應給民價不速給者罰俸一年半給半不

給者降二級調用竟不給者革職

扣尅兵餉

一 監放兵餉委員推諉不親臨查閱者罰俸一年
已經親臨不抽封秤兌致有奸弁短少色數係
失於詳查者降一級調用知有扣尅情弊不申
報者降三級調用如係通同扣尅一併革職提
問如督撫已經查出通同扣尅情弊不行題奏
將督撫照徇庇例處分

兵餉協餉定限

一 各省兵餉協餉定為五分限四月內完二分半
九月內全完如行師大兵軍餉協濟別省錢糧
或誤或遲者革職支給本省兵餉或遲或誤者
州縣官降三級俱戴罪督催完日開復如所撥
司道府州餉內有水旱等災蠲免或撥文未到之前別用
并解部及重撥之項該督撫等一面動用別項
錢糧照限協解一面將動支緣由題報如誤解

借端誑行題報或所缺錢糧不動別項錢糧抵
 解以致遲誤者該管官革職布政使降三級調
 用督撫降二級留任至解餉省分督撫照所限
 月底將起解數目題報如不曾起解誑以起解
 具題者革職不依所限月底題報者罰俸一年
 如已徵錢糧撥給稽遲以致兵逃兵譁或查報
 時將兵逃兵譁情由朦隱不報及報不實者俱
 革職該管各官已經申報督撫不行糾參者降

二級調用如已經安定者免議其不候所限四

九月分錢糧撥時即將十分全徵者經徵督催官降

二級調用督撫罰俸一年如官員解送錢糧等

項沿途停擱日期者罰俸一年

一部撥錢糧關係軍需若限期急迫不能送到預

先具題展限如擅改部限者降二級調用

墊辦軍需公務

一地方有軍需公務督撫不及咨題者行令該州

縣墊辦或那庫項或墊已貲先行詳明督撫辦
 完十日內卽照實價申詳院司道府限兩月內
 核明題銷倘州縣申報過限或督撫題報後期
 戶部查明係何員遲延交與吏部照奏銷錢糧
 冊造報遲延例議處若州縣報價不實及督撫
 不據實題報希圖冒銷者戶部題叅州縣照侵
 欺例治罪督撫司道等照徇庇例議處

藩司預行給借養廉

一藩司預行給借各官養廉照正項錢糧違例支
 給例議處

官員支領俸銀

一各官支領俸銀遇有降罰及缺官等項應扣銀
 兩朦混冒支者將冒支及違例支給各官照例
 分別叅處

滇省撥米需索

一滇省州縣存倉米石挨年支放撥米之法俱在

一站二站以至三站之內如糧道需索州縣使費挾私徇利照貪官例革職提問督撫不行糾叅照徇庇例降三級調用若督撫亦因以為利不顧小民苦累將督撫照溺職例革職

黔省解收兵米

一貴州應行撥濟苗疆兵米之州縣照稽查漕運之法令經徵收米各員及運米經過地方官將起運過境及收到米數各日期一體通報并飭

該管道府就近稽察如撫司委員抽查據報有私折捏報虛冒腳價及短發扣尅累民各弊與受槩行叅革從重治罪道府失察徇隱分別糾叅撫司查察不力一併嚴加議處

不扣朋銀

一官員將官兵朋扣買馬銀兩不扣者罰俸六個月巡撫罰俸三個月

濫委解員

一起解兵餉協餉漕糧本色顏料等項該管司道府等官不委現任佐貳濫委廢官匪人解送中途途有失誤者原委之官降一級調用如委現任官解送中途失誤者原委之官罰俸六個月如解官侵欺潛逃者原委之官降一級留任如不曾差官批內填寫差官均罰俸一年

委解各項藉病規避

一官員委解各項差務藉病推諉規避者革職

委員辦運鹽斤銅鉛沿途督撫稽查

一各省領帑買運鹽斤及辦運銅鉛委員如有在境盜賣捏報遭風失火情事該地方文武官弁瞻徇隱匿不行申報本境督撫者俱革職已經申報而境內督撫不嚴查叅奏者降三級調用如經過地方官故為勒措以致出境稽遲降二級調用失察該管上司罰俸一年

辦運糧石失水報明地方官查驗

一採辦撥運糧石經由江洋黃河偶遇風浪猝被漂失者辦運各員立即報明所在地方勘訊明確取具承勘不扶印結申詳督撫咨部一面移咨辦運省分具題請豁若遇失水該運官並不報明地方官將運官照沉溺漕船不報例降一級調用如有乘機侵盜等弊革職治罪未經題豁之先不將失水情形立即勘明預報鄰省之督撫照失於查察例罰俸一年所在官司扶同

出結照沿途催償各官不親臨確勘遽出保結例革職如督撫不查確遽行題豁後至詐冒事發將具題之督撫降二級調用所豁糧石著落承辦及出結各員分賠

違例起解

一官員將不應起解之錢糧違例起解者罰俸一年或應解本色解送折色者降一級調用

田房稅契銀兩起解遲延

續纂一田房稅契銀兩州縣解省遲延罰俸一年督催不力之上司罰俸六個月

起解潮銀

一起解錢糧不行詳查銀匠銀內攙和鉛砂者降三級調用巡撫罰俸一年如解送潮銀者降一級調用巡撫罰俸六個月

解送各項錢糧需索

一凡錢糧物料等項解送到部限一月查核明白

掣給批迴逾限將該司官照例議處至書役人等指稱估驗掣批等項名色借端包攬索詐該管官失察者照失察衙役犯贓例議處明知不舉者照徇庇例降三級調用

失對檔案支給糧地

一官員不對閱部檔支給口糧地土者章京等罰俸兩個月筆帖式等罰俸一個月

空批報解不依限銷號

一起解錢糧將銀批齊赴巡撫衙門驗明銀數發
 司交兌五日內布政使出具庫收粘連原批送
 巡撫衙門銷號或巡撫公出委按察使代驗報
 明如州縣以空批報解降二級調用布政使不
 依定限銷號罰俸一年

給價短少預徵錢糧

一供應進勦大兵糧餉等項俱准動用正項錢糧
 如有不肖官員將支應芻粟物料不發現銀採

買借取於民給價短少者將州縣等官革職拿
 問明知不報之司道府官員亦革職拿問詳報
 不叅之督撫革職至違例將次年錢糧隔年預
 徵者州縣等官革職拿問明知不報之司道府
 各官革職詳報不叅之督撫降五級調用其預
 徵錢糧即准為次年正項錢糧

採買米豆草束

一各省採買米豆草束估價俱照督撫所定已經

停止戶部駁查如估價多開被人首告或科道

叅奏審實原估官革職提問轉申官員各降二

級調用如通同多算俱革職提問其餘估零星

雜項既經部駁重估不詳確時價值妄行浮

開者罰俸一年巡撫罰俸六個月

一軍前供應米豆草束等項地方官浮開價值照

貪官例革職拿問如奏銷後發覺將督撫一併

俱照貪官例治罪其舉首之人係官照伊應陞

之品加一等優陞係旗下民人授為七品官至

民間運到米豆草束地方州縣官故意延挨勒指

刁難需索俱照貪官例革職拿問若被害之人

控告而督撫不行准接糾叅者將督撫亦照貪

官例革職治罪如不行查出或被科道糾叅或

被旁人舉首其督撫各降四級調用該管司道

府等官革職至軍前運到米豆草束等項經收

委部章京并武官延挨勒指刁難需索俱照貪

官例革職拿問若經收官員申明將軍領兵大員而不行糾叅者將軍領兵大員叅贊大臣亦俱照貪官例治罪如不行查出或被科道糾叅或被旁人舉首將軍領兵大員叅贊大臣降四級調用其該管武官革職出首之人係官照伊應陞之品加一等優陞係旗下民人授爲七品官至出征將軍領兵大員并大小官員及督撫提鎮以下大小官員筆帖式

欽差部差官員筆帖式科道翰林等官販買米豆草束等物囑託地方官多取價值或將民間所賣米豆草束作爲己物囑託地方官令其收買并經理地方官將所囑託米豆草束等物狗庇收買俱照貪官例革職拿問至已備本色不行收納勒指折價者亦照貪官例革職拿問將軍領兵大員督撫不行查出或被科道糾叅或被旁人舉首各降四級調用司道府等官并該管武

官俱革職出首之人係官照伊應陞之缺先用
 係旗下民人授為七品官至將軍領兵大員大
 小官員并督撫提鎮以下大小官員筆帖式及
 欽差部差官員筆帖式科道翰林等官將本身馬匹
 狗情囑託送入驛站營伍馬匹數內多取價值
 一應購買馬匹不開實價濫行開銷者俱照貪
 官例革職拿問若驛站營伍官員人等申明督
 撫提鎮而不行題叅或不行查叅奏銷後被科

道糾叅或被旁人舉首將督撫提鎮俱照貪官
 例革職治罪出首之人係官照伊應陞之品加
 一等優陞係旗下民人授為七品官
 一各省採買米豆等項如地方官有不給價銀或
 於部價內尅減短少者亦照此例處分

採買顏料

一額買顏料等項錢糧州縣三月內解銀知府即
 採辦差官於十月內押運進京如州縣徵銀不

足解府遲誤及知府採辦稽遲起運違限俱降
 職一級完日開復督撫限本年二月內估價題
 報如逾期不至布政使督催不力完欠罔稽俱
 罰俸六個月其解官中途乾沒交納短少者照
 侵欺例治罪如久追無完令該知府補足不得
 派民若本年本色物料歲內不能全完督催巡
 撫布政使俱降俸一級戴罪督催完日開復如
 知府採辦稽遲先給空批卸罪解官者降一級

調用或採買不堪用者罰俸一年其承估布政
 使不照時價確估妄行多開者罰俸一年巡撫
 罰俸六個月如顏料等項不與上司驗看徑行
 解部者罰俸六個月

一解官到部稽遲所解錢糧全完者一月內免議
 逾一月以外者罰俸一年

採辦物料展限之後仍不依限完解

一官員採辦一切物料不能按限完解題請展限

經部覆准之後仍不依限完解將原題請之督撫罰俸六個月

嚴禁造送冊檔表箋陋規

一外省衙門造送部科及內外各衙門冊檔表箋陋規嚴行禁革如有借名科歛者該督撫科道查叅照貪婪例處分其內外書辦借稱紙筆需費有所收受者該管官失察照例議處
囚糧囚衣等項冒銷

一各省囚糧口糧棉衣藥劑棺木等項官吏有尅扣冒銷等弊該管官革職提問書役照律治罪如係衙役侵扣冒銷本官知情者照縱役貪贓例革職止係失察仍照衙役犯贓例議處

一押解官物委員不准挈眷同行

則例便覽卷二十五目錄

盤查

督撫盤查藩庫錢糧 一

司道侵那庫銀許庫官揭報 一

盤查道府庫貯錢糧 二

州縣解司錢糧改那批廻 二

州縣倉庫錢糧該管府州親詣盤查 二

州縣陞任府道交盤委隣封道府結報 三

則例更覽

戶 盤查目錄

一

雜項錢糧庫貯兵餉一體盤查 三

驛站交代 四

州縣那移本官及上司分別賠補開復 四

州縣侵欺上司分別賠補 五

不揭叅虧空 六

查追虧空 六

州縣虧空上司捏報全完 七

虧空倉穀嚴加處分 七

倉穀責成督撫查核 八

藩司到任盤查倉穀定限 八

常平等倉借糶穀石 八

倉穀抑勒派借等弊 九

常平倉穀勒派花戶採買 九

採買倉穀遲延 十

常平倉穀捏報處分 十

嚴禁州縣上司碾食倉穀 十

盤查湖南省鎮算倉穀 十

漂流霉爛米穀限內賠完復職 十一

霉爛倉穀全完開復 十一

陝省社倉穀石 十一

捏報私借那移全完復還原職 十二

承查那墊捏飾影射 十二

盤查需索收受禮物 十二

軍需那用錢糧 十三

分賠虧空疏內聲明 十三

乾沒侵欺 十三

藏匿庫銀假捏虧空 十四

州縣虧空威逼富戶那借 十四

捐買穀石議敘 十四

上司逼勒 十五

監守不慎 十五

造冊遺漏 十五 十六

虧空該司據實奏

聞將督撫照貪官例革職提問

司道侵那庫銀許庫官揭報

一藩司鹽道有侵那庫銀抑勒庫官者許庫官徑行揭報該督撫巡鹽御史題請議敘以應陞之缺卽用其或通同隱匿事發一體治罪如庫官已揭報而督撫巡鹽御史不行題參照徇庇例議處

盤查道府庫貯錢糧

一糧驛道庫錢糧奏銷時督撫盤查仍責令藩司先具保結詳送督撫盤查之後如有虧那將藩司照例革職分賠如糧驛二道遇有新舊交代亦照奏銷之例辦理至各府庫貯錢糧責成各該道如無道員管轄之府令隣近道員於奏銷時盤查出具保結呈送督撫保結之後查出侵那虧空將各該道均照例革職分賠

州縣解司錢糧改那批廻

一州縣批解錢糧布政使改那批廻或以新填舊以此那彼許州縣申報督撫題叅照那用正項錢糧例處分督撫徇情不叅降二級調用

州縣倉庫錢糧該管府州親詣盤查

一州縣倉庫錢糧責成該管府州於奏銷前盤查出結造冊申詳保題不得轉委互查取結了事亦不得預示日期縱令掩飾如有前弊即密委

幹員馳往清查如竝無虧短將不親詣盤查及預示日期之府州降二級畱任如查有虧空即將該府州照通同徇隱例一併題叅革職不得以同時揭報寬其併叅亦不得僅以盤查不實不行揭報從輕議以降級畱任

乾隆四十七年定例州縣倉庫實貯數目每三月彙報一次該管道府查核加結彙送藩司轉由該督撫出其不意隨時抽查

州縣陞任府道交盤委隣封道府結報



纂續一凡州縣陞任本府及本府陞任本道所有任內
 經管錢糧等項接任之員一面遵照例限盤清
 結報一面遴委隣封廉幹道府徹底清查加結
 詳咨倘委員通同弊混一竝查叅嚴加議處仍
 令該督撫不時訪察如有抑勒交盤掩飾那補
 及扶同徇隱等弊卽行題叅分別議處追賠

雜項錢糧庫貯兵餉一體盤查

一雜項錢糧并庫貯兵餉該管上司於盤查正項

錢糧時一體盤查出結倘不實力清查及至交
 代不清始行揭報將該管上司照盤查不實例
 查議

驛站交代

一驛站馬匹限一月內交代如有缺額疲瘦新任
 官勉爲收受已經出結者舊任官免議將新任
 官降一級調用如已足額新任官故意求疵不
 受交代者降二級調用如監查之員徇袒瞻徇

照狗情例降二級調用

乾隆四十七年定例臬司委署藩篆其交代驛站錢糧俟新任藩司到任後盤查出結申送

州縣那移本官及上司分別賠補開復

一州縣那移錢糧府州狗隱者革職本犯擬罪限

一年完補限內全完二萬兩以上者本犯釋免狗隱之府州開本犯及失察之府

復未至二萬兩者本犯及府州一體開復若二限三限內完補

本犯照例分別發落狗隱之府州亦准其開復

若三年限滿不完將本犯治罪查係實在家產

全無將那移之項著落狗隱之府州盡數賠補分賠一半

一年限內全完開復二限內全完照依原職准其開復於補

降一級調用官日罰俸一年三限內全完照依原職降二級調

用三限內不完即搜查該府州家產賠補不准開復不准開復未完銀兩仍著落追賠

該管道員不預行揭叅無論府州狗隱失察降

一級畱任如州縣離任身故始行揭報雖無狗

隱情弊仍將失察之各上司照例議處著賠府

州那移狗隱之道員照府州例議處

州縣侵欺上司分別賠補

一州縣侵欺錢糧府州徇隱者革職本犯擬罪勒限三年追補徇隱之府州不准開復若本犯限滿不能完足查係實在家產全無盡數著落徇隱之府州勒限一年賠補雖全完不准開復如歷限三年完不足數照未完分數治罪如係失察降四級調用免其分賠如本犯侵項不能一年內全完者失察之府州仍照例革職不准開復若本犯侵項能於一年內全完該督撫將失察之府州出具考語送部引

見該管道員徇隱無論同城不同城與府州一體叅革分賠如失於覺察係同城屬邑降三級調用不同城者降一級畱任如州縣離任身故始行揭報雖非徇隱仍將失察各上司照例議處著賠府州侵欺徇隱失察之道員亦照府州例議處不揭叅虧空

一知府揭報州縣虧空布政使不卽轉揭或已揭而督撫不卽題叅許知府徑報部院將督撫布政使照狗庇例議處仍令分賠

查追虧空

一州縣虧空錢糧倉穀題叅時一面於任所嚴追一面行文原籍將家產嚴查存案如任所無完卽變價補完至徇隱之知府亦於著賠之日將該府原籍房產令地方官查記檔案申報上司

若地方官不將房產查出照狗庇例議處

州縣虧空上司捏報全完

一是那非侵錢糧一年限內全完開復或有上司瞻徇情面捏報全完及叅後借端挾制上司使報完開復復押令接任官擔承者除本官從重治罪勒限嚴追外將督撫司道府各官照錢糧捏報全完例分別議處如所虧那項本犯力不能完卽著落捏報之督撫司道各官分賠

虧空倉穀嚴加處分

一州縣虧空倉穀係侵欺者照那移例擬斷其虧
 空倉穀令接任官於秋成時申詳督撫藩司動
 項買補出具倉收道府加結報部其動用銀兩
 於虧空人員名下勒限一年追補逾限不完照
 例治罪其有倉厥州縣倘因循怠玩於滲漏處
 既不粘補應蓋造處又不詳請以致米穀霉爛
 者革職動帑買補勒限一年追賠限內不完照

例治罪若託名霉爛亦革職治罪

倉穀責成督撫查核

一各省存倉米穀雖有知府盤查司道管理仍令
 督撫核實嚴查年底造冊保題如遇離任將冊
 籍交代新任督撫限三個月查核奏
 聞如有虧空新任督撫徇隱不行參出後經發覺一
 併照例議處仍令分賠

藩司到任盤查倉穀定限

纂續一各省藩司到任委盤倉穀照督撫例勒限三個月盤清結報如有逾違即行查叅遴委之道府州及同知通判等官辦理稽遲照事件遲延例議處若有意遷延任聽那補照徇情例議處

常平等倉借糶穀石

一州縣常平等倉穀石春間出借限十月內全完造具冊收送部逾限不完或捏報冊收揭叅議處仍令欠戶照數完納該管上司不行揭叅照

狗庇例議處再倉穀出糶之時該地方官不嚴禁囤戶照溺職例議處或以借糶為名掩飾虧空分別侵那定罪追賠該管道府直隸知州如有徇隱失察等情照侵那錢糧知府徇隱失察例分別辦理所虧倉穀著落賠補如道府直隸州已經揭報而督撫不行題叅將督撫亦照徇庇例議處所虧倉穀亦照例分賠

倉穀抑勒派借等弊

一倉穀每年出陳易新之例各省不同如有抑勒
 派借及攙和糠粃土灰并交納時措索浮滿種
 種需索或賑濟借動倉糧如有虛冒浮開借非
 實借還非實還等弊照例分別議處督撫不行
 查參照狗庇失察例分別議處

常平倉穀勒派花戶採買

一州縣採買穀石如不平買運倉轉發里遞照派
 花戶勒令採買者降三級調用

採買倉穀遲延

一常平倉穀初次採買遲延將承辦官罰俸一年
 如再不完革職留任完日開復

常平倉穀捏報處分

一州縣買補常平倉穀將未進倉之穀石入冊捏
 報者革職該管各上司知而徇隱降三級調用
 失於覺察罰俸一年

嚴禁州縣上司碾食倉穀

一州縣所需食米擅動倉穀及該管上司給發價值令州縣知府碾穀供應照例查叅議處各上司瞻徇不揭一併叅處

盤查湖南省鎮算倉穀

一湖南鎮算買貯穀石責令鳳凰營通判專管以辰沅靖道兼轄年底盤查出結如有虧空立即報叅道員知縣之例議處

漂流霉爛米穀限內賠完復職

一收貯米穀遇颶風大雨之災挽運江海漂流並霉爛者革職限一年內賠完免罪復還原職逾限一年全完免罪不復原職二年之內如不賠完照例治罪著落家產追賠

霉爛倉穀全完開復

一州縣霉爛倉穀革職以及分賠之知府果能一年限內全完俱一體准其開復

陝省社倉穀石

監查

十一

一陝西社倉穀石係耗羨銀兩買貯與別省不同如社長侵蝕虧缺該州縣朦混詳報實貯係知情故縱題叅革職其虧空穀石先於社長名下勒追一年內全完本官准其開復如不能全完將社長治罪發落未完穀石著落本官賠完能於一年限內賠完亦准開復如州縣止係失於查察百石以下免其查叅百石以上降二級留任無論勒追代賠全完之日俱准開復

捏報私借那移全完復還原職

一凡州縣衛所虧空錢糧各官如果民欠未完捏報全完或私自借給百姓倉糧應照虛出通關殊鈔律治罪其實在民欠民借仍著落原借欠之人完納其那移錢糧有項可抵者即令接任官催徵補項若捏報私借那移之項該員情願一年內代民全完准其復還原職

承查那墊捏飾影射

一凡虧空之案審出民欠那墊是實除本犯擬罪外另限四個月委員清查出具竝無假捏影射印結再令接任官出具認徵印結仍向欠戶催徵限滿不完將接徵官照例叅處倘本無舊欠接任官通同捏結與本犯同罪仍令分賠

盤查需索收受禮物

一府州盤查倉庫錢糧如有需索許州縣通報司道督撫題叅革職如督撫不行題叅照徇庇例

處分如餽送禮物將餽送之州縣收受之府州照餽送禮物例議處

軍需那用錢糧

一司道府州縣等官將正雜錢糧米豆草束不報明督撫以緊急軍需私自那用者降一級留任賠完開復如存留錢糧因公那用者免議

分賠虧空疏內聲明

一州縣虧空該督撫疏內不將該管上司應否分

賠之處聲明具題照狗庇例議處

乾沒侵欺

一各項拖欠錢糧該撫每年奏銷逐一題明委係拖欠在民不能催徵者照定例處分如係本官乾沒者照貪贓例革職提問追清完項如衙役侵欺者該管官照縱役貪贓例革職司道府等官不行查出乾沒侵欺等情或據詳代為開銷者各降一級調用督撫罰俸一年

一衙役侵欺錢糧捏報民欠知府不行詳查遽為

轉報者罰俸六個月

藏匿庫銀假捏虧空

一州縣官恃有上司分賠之例將庫銀藏匿假捏虧空者督撫叅審是實著落本犯名下獨追還項仍照例治罪

州縣虧空威逼富戶那借

一州縣虧空遇上司盤查向所屬鹽店當舖富戶

人等威逼勒借者許富戶人等赴上司衙門首告將本官照官員勒詐財物例革職治罪

捐買穀石議敘

一州縣捐買穀石貯倉將所捐銀數據實申報上司查核捐銀二百兩紀錄三次四百兩加一級倘捐少報多或將現貯之米指作捐輸希圖議敘後有虧空事發除知府分賠外將原報捐之督撫照庫內無銀申報有銀例罰俸一年

上司逼勒

一上司逼勒那移庫銀照貪官例治罪下屬自行首告免議如有逼勒致死者家屬赴上司具告不准許赴通政司鼓廳衙門具告審實將逼勒之上司抵罪不行准理之上司革職

監守不慎

一官員庫內物件不行固貯以致庫使偷盜者降一級調用罰俸一年

造冊遺漏

一官員造報各項文冊遲延或限內卸事竝違限不及一月及違限一月者俱罰俸三個月違限二月者罰俸六個月違限四五月者罰俸一年違限^半一年以上者降二級畱任違限二年以上者降三級調用其文冊遺漏重開數目舛錯或多開少造遺漏職名者俱罰俸三個月該管各官未經查出據冊轉報罰俸一個月

一府州縣官造報奏銷錢糧冊內有數目舛錯遺漏督撫不行查出經部查出將府州縣官罰俸一年督撫及轉報司道各罰俸六個月如督撫司道所造冊內有舛錯遺漏亦罰俸六個月
一奏銷錢糧冊結遲延不送或限內卸事竝違限不及一月者罰俸三個月違限^{三個月}二月罰俸^{一年}一年
違限四五月降一級畱任六個月以上降二級調用一年以上革職如司道府州縣將冊結申

送督撫而督撫遲延不隨各案一併送到者經部查出將督撫違限五月以下者亦照司道府州縣官例處分違限六月一年以上降二級調用一年

朦混造冊

一凡應行完結之錢糧不分晰明白混行造冊之府州縣官降一級調用混行轉報之司道罰俸一年不行詳查之督撫罰俸六個月
一司道自行造冊不分晰明白者降一級留任

則例便覽卷二十六目錄

承追

承追侵那虧空一

追賊捏結一

承追不及千兩贓罰銀兩二

承追千兩以上贓罰銀兩三 四

承追案件任所查詳遲延五

欠帑官員不得復抵任所五

責令旗籍著追之案任所地方官酌減議處六

大宛二縣承追處分六

五城司坊官承追案件七

兩廣催追商欠七

查追帑項原籍無著議處赴選地方官七

承追無著出結官名下追賠八

虧空不准私債開抵八

承追借買賣人銀兩九

官員借用官銀九

承督虧空不得借辦軍需推卸十

不詳請豁免十

祖父虧欠開復十一

[Faded vertical text, likely bleed-through from the reverse side of the page]

則例便覽卷二十六

承追

武林沈湘南摘錄

承追侵那虧空

一官員虧空有侵欺又有那移者毋論那移侵欺之案竝發及侵欺之案先發那移之案後發均令先完那項後完侵項以杜避重就輕若那項已完之數與應完侵欺之數相等其餘那移未完之數及侵欺之項委屬力不能全完仍再勒

限監追其有以侵為那及非實在力量不足者該督撫扶同徇庇巧為開脫照徇庇例議處

追賊捏結

一官員追比侵盜錢糧賊私捏結家產已盡降四級調用轉詳之司道府等官降二級調用督撫降一級畱任

承追不及千兩贓罰銀兩

一追賠虧空贓罰銀兩及分賠等項不及千兩者

俱於文到之日限一年限內不完承追官罰俸

一年督催

府州司道督撫

各罰俸三個月俱戴罪再限

一年督催限內不完承追官降一級畱任督催

府州司道督撫

各罰俸

一年六個月

再限一年督催全完開復

不完承追官照所降之級調用督催府州各降

一級畱任司道督撫各罰俸一年其接任承追

督催等官仍照伊到任之日扣限如承追接追

各官能於一年限內一任追完三百兩以上之

案者每一案紀錄一次督催

該府州督撫布按

每三案

紀錄一次如果正犯家產全無正犯身故妻及

未分家之子不能賠補者該地方官取具印甘

各結申報督撫保題豁免倘題後犯人另有田

產錢財房產人口發覺盡行入官承追出結官

革職督催

府州司道

降二級

調用

督撫罰俸一年所

欠贓銀米穀著落出結官賠補如承追官不著

落犯人妻並未分家之子行追借端將親族監

行著落追賠者革職該管上司官員如有逼迫

出結之事屬官不行出首者從重治罪將逼迫

之上司照抑勒交盤例革職

承追千兩以上贓罰銀兩

一追賠虧空贓罰銀兩及分賠等項一千兩至五

千兩者以十分為率勒限四年每年每案追完

二分五釐四年十分全完免其處分仍紀錄一

次遞年每案完不及二分五釐者初叅降俸二

級二叅罰俸一年三叅降一級畱任戴罪承追
 四年限滿全完開復如不完降一級調用至五
 千兩以上之案以十分為率勒限五年每年每
 案追完二分初限不完降俸二級二限不完罰
 俸一年三限不完降一級四限不完又降一級
 俱畱任戴罪承追五年限滿能完至七分者將
 所降之級准其開復另照未完銀數按年起限
 承追如完不及七分者照所降之二級調用其

督催各官一千兩至五千兩者每案勒限五年分數

催追遞年完至二分五釐者免其處分遞年完不

及二分五釐者府州每案初叅降俸一級二叅罰

俸六個月三叅罰俸一年四叅降一級畱任俱

令戴罪督催全完開復如四年年限滿不完降二

級畱任戴罪督催督撫司道每案初叅罰俸三

個月二叅罰俸六個月三叅罰俸九個月四叅

罰俸一年如四年年限滿無完各降一級畱任仍

另行按年起限督催全完開復接任官以到任之日起限如承追接追各官能於一年限內一任追完一萬一千兩以上之案者州縣加二級督催之道員府州加一級督撫布按紀錄二次追完一萬五千兩以上之案者州縣准以應陞之缺即用道員府州加二級督撫布按加一級其餘取結保題豁免賠補各款仍照不及千兩之例遵行其督催虧空糧米責成鹽道為督催

其非管理糧鹽道員俱毋庸開送

乾隆三十八年定例未完銀兩如係分賠代賠及奉旨恩免例無承追之責皆非本員追完可比原議之案悉照承緝案犯被隣境別訊拿獲之例按共參限應得處分減等議結

承追案件任所查詳遲延

一承追案件該督撫一面督屬嚴追一面行查該員歷過任所分咨各省嚴查有無隱寄其任所地方自文到日起勒限三個月查詳該督撫咨



明原籍辦理如有逾限將該地方官照

欽部事件遲延例議處

一 欠帑官員不得復抵任所

續纂

一 離任人員應追各項銀兩勒令地方官按限著

追其有部減不符及任所派賠不公等項由本籍呈明詳咨任所核辦如地方官混為詳請自行赴任清理照瞻徇例降二級調用至任所督撫或有接准原籍咨文查核案情實係款項紛

繁情節叅差必須經手之員親身質對者將緣由聲明移咨原籍飭令該員前往清理俟清理完竣即勒令回籍如有藉端他往擾累地方情事該督撫據實查叅辦理

責令旗籍著追之案任所地方官酌減議處一 降革人員未完錢糧任所無可著追勒回旗籍變產賠補者既已責令本旗本籍各官承變其任所地方官原叅降俸之案改為罰俸一年完

結 乾隆四十五年更定

大宛二縣承追處分

一大宛二邑五方雜處一切承追案件仍照不作分數錢糧例處分如該縣徇情推諉不著力行追或被旁人首告或被部內查出一併從重治罪將犯人不行賠完之項著落該縣賠完

五城司坊官承追案件

一五城兵馬司承追贓罰變產等項照大宛兩縣

承追一切贓欠銀兩照雜項錢糧例扣限勒追限滿無完該城御史即將司坊官職名呈報都察院咨部議處倘該城御史不將職名開送經都察院刑部察出將該御史一併交部議處

兩廣催追商欠

一兩廣帶徵商欠州縣官照承追虧空銀兩例議處議敘該管道府直隸州照督催不力例議處廣東省河各埠以運司為督催潮州各埠以潮

州運同為督催高州茂名埠以本管知州為督
催廣西各埠以鹽道為督催如督催不力將運
司等官照知府例議處

查追帑項原籍無著議處赴選地方官

一官員赴選文冊地方官務須嚴查毋致混冒或
有竝非本籍混行具詳日後本官有應查追事
件咨查到籍地方官覆稱竝無其人以致帑項
虛懸者將原詳赴選之地方官革職

承追無著出結官名下追賠

乾隆三十八年例

一自清釐寄籍之後凡大宛等縣領文赴選人員
循例取具同鄉六品以上京官印結載明某人
籍隸某處竝無假冒字樣送地方官查核事後
倘仍有假冒情弊將出結官照徇情給結例降
二級調用遇有緣事回籍無從踪跡人員即於
出結官名下追究實在居址倘無實在居址以
致承追無著即在出結官名下追賠至地方官

接准印結時亦應詳細確查據實核辦倘任意草率致有混冒亦照出結官例議處

虧空不准私債開抵

一虧空人員實係家產全無照例豁免若經營錢糧內有所屬借支借領與夫同官那借出有印領者准其追還抵帑至平日私債雖有文約書札記簿並無印領者一概不准開欠追抵地方有司如有因囑託徇情聽從開欠妄拿無辜追

比者照故勘平人律治罪受賄得贓者計贓以枉法從重論該管府州降二級調用司道降一級調用其因規避處分指引開欠者承追官革職府州降一級畱任司道罰俸一年如任其朦朧開報混行追抵者承追官降二級調用府州罰俸一年司道罰俸六個月

承追借買賣人銀兩

一買賣人借用官銀交地方官催追於刑部文到

之日勒限六個月催追解送內官庫若逾限六個月將承追官罰俸六個月逾限九個月罰俸一年逾限一年降一級罰俸一年又勒限六個月催追不完將承追官革職畱任完日開復

官員借用官銀

一地方官員詳明咨部借用官銀應照依定限還完限內不完該督撫初次題叅卽令離任未完銀兩限一年還完開復若年限內仍不能還完

革職未完銀兩著落家產還完若旗員交該旗催令還完漢官交該督撫催令還完

承督虧空不得借辦軍需推卸

一直省官員如係在署兼理軍需者承督虧空不得借辦軍需名色推卸催追不力處分

不詳請豁免

一官員承追侵欺錢糧人犯如家產實在全無不據實詳請豁免以致各犯父子夫妻分離者罰

俸一年巡撫罰俸六個月

祖父虧欠開復

一除本身虧空革職解任人員係那移等項限內全完開復逾限不完照例治罪如蒙

恩豁免祇應免其治罪不准開復至因祖父銀兩未完解任追賠或題叅革職追賠者係那移分賠代賠及民欠開抵之項不能依限全完蒙

恩豁免俱准其一體開復若係侵欺錢糧及貪婪賊

銀著落追賠不能依限全完雖蒙

恩豁免亦祇免其治罪不准援例開復

上諭凡官員名下應追銀兩如係侵蝕入己之項俱著落伊子孫賠補若非侵蝕入己或已抄沒家產治罪或係核減分賠之項止著落伊子賠補毋庸著落伊孫及兄弟賠補均著落各該上司分賠

